

中國方志叢書・華中地方・第四二五號

據 民國・嚴偉修，秦錫田等纂
民國十八年刊本 影印

江蘇省

南匯縣續志

(一)

成文出版社有限公司印行



10097957

中國方志叢書·華中地方·第四二五號

據

民國·嚴偉修，秦錫田等纂
民國十八年刊本 影印

江蘇省

南匯縣續志

(二)

成文出版社有限公司印行



10097958

中華民國七十二年三月臺一版

南匯縣續志

共二冊

發行人：**黃成助**

台北郵政信箱二二六〇五號

出版者：**成文出版社有限公司**

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：**上林彩色印刷有限公司**

台北市大理街145號

新聞局出版登記證：局版台業字第二四三號

續續 歷歷 山山 列列
修修 歸歸 一一 式式
南南 圖圖 十十 悉悉

民國十七年秋
離板藏署東義倉

南匯縣續志序

共和紀元之第二年歲在癸丑孟冬之月余承符知南匯

縣事習聞邑父老顧君旬侯

忠宣

秦君亮臣

始基

朱君子

瀨

祥紱

之賢過從甚驩時顧君門人黃君社安

報廷

長縣

議會徐君耐冰

守清

任縣視學而唐君松龢

其寅

則助秦

君於地方財政處習普濟堂事并有賢名余官南匯纔一

年報罷顧秦朱三君則始終參預地方政務爲士民所信

仰初縣參議兩會議決續修縣志余甚趨之以黃君月波

炳奎

及顧君年最高凡諸興革靡不通曉延主修志局事

黃顧兩君卒繼之者爲社安耐冰其後松龢主普濟堂以

堂產糾紛時來告余因知志局諸君之賢志之成有日爲

嘉慰者久之抑縣之有志疆域戶口城防學校必詳必盡
固已官斯土者有治績紀以名宦生斯土者有令譽紀以
鄉賢余守官日淺教不行而令不立食祿者期年幾無一
善可紀志之成社安耐冰松龔三君不以余爲庸俗之吏
徵序於余庸詎知余下筆序此書時當汗流浹背耶志仿
松江府續志起前清光緒四年斷至宣統三年爲二十二
卷圖志視舊書頗有增損則政治變遷爲之也志創於顧
君而成於社安之手有其師必有其弟故樂爲序其緣起
如此紀元十八年五月前知南匯縣事儀徵嚴偉序

南匯縣續志序

民國四年三月余分修上海縣續志南匯朱君子灝以修志事來商且徵求纂輯之人才余曰修志之難不在於纂輯而在於采訪采訪不得人則捨精華而拾糟粕冗雜猥瑣無所取裁間有一事可錄而原委混淆先後倒置問之訪員訪員置之不答或答非所問或答而不詳終至刪其成稿不能記載譬之飲食采訪者選置物品也纂輯者調和鼎鼐也山珍海錯精美鮮潔膳夫和以五味自堪適口若其肉腐魚敗雖有易牙無所措手故體例之不完密文辭之不雅馴纂者之咎也至於事實之乖舛典章之疏漏毀譽之顛倒咎不盡在纂者焉南邑采訪伊始必求其諳

悉志例兼擅史才勤於諮詢熟於掌故如鄉先輩于充甫顧秋巖兩明經者庶幾去取悉當垂信將來朱君深以爲然於時南邑籌備修志聘黃丈月波顧丈旬侯爲主任黃丈旋歸道山顧丈獨任其事十二年八月修志局成立顧丈延余莅局與分纂諸君議定分類編輯乃披閱訪稿則搜羅未備采擇未精不能倉卒下筆復議推舉訪查員重加哀集未一年而齊盧構釁風鶴驚心不遑鉛槧又年餘而顧丈作古人亡政息業將中輟十六年七月邑人士公推黃君祉安繼任志事黃君知訪稿之不詳不備猶乎四年前之狀態也爰周歷鄉山以廣見聞徧搜案牘以備稽考分纂諸君亦知采訪之不足恃也不憚繁瑣四出調查

若馬君荻生之疆域顧君鐵生之建置盛君希伯之田賦
徐君耐冰之學校葉君貞柏之物產王君季昆之列女傳
皆淬精厲神周諮博訪隨得隨錄以底於成明年六月屬
稿已具復集闔邑耆碩公同審核八月開始鏤板又一年
而剞劂工竣蓋自開局至今已歷六載而此六載之中人
事之變遷政體之改革紛紜擾攘杌隉不安以視同光間
之運際中興修文偃武從容暇豫安心著述者其情狀固
不相同而吾人之學問文章又未能抗希先哲則續貂之
誚其奚能免余與志事相終始而有感乎諸君子之熱心
毅力慎始圖終又致悃乎黃顧二丈之不及見也爰掇其
顛末而爲之序中華民國十有八年九月上海秦錫田

南匯縣續志凡例

會稽章學誠氏答甄秀才書曰修志當續前人之記載不當毀前人之成書又與戴東原書曰前志無憾則但當續其所有前志有闕則但當補其所無本志依此宗旨專爲光緒志之續

本志限斷起光緒四年訖宣統三年九月

光緒志爲類十六爲子目八十六本志沿用前例唯子目則因時勢之變遷略有增減爲一百有七

濱海漲灘半成沃產邑境形勢迥異曩時轄海之權關繫尤重故本志冠以邑境總圖次以海境圖

清季創辦自治城區之外又劃全境爲二鎮十七鄉本

志各製一圖以著自治之區域

光緒志采輯藝文但憑目見不據空名第通人著述有名滿眾口而書已散佚者有繕寫之孤本書存而未經送局者概令湮沒心殊不安本志著錄之書雖不皆目覩必有依據一以備將來之徵訪一以慰作者之苦心光緒志以川沙自有志書皆可從略但川境之典章法令固不宜攔入若其人名列本邑之黌籍而平生行義屏不載錄於理似不可通本志依上海縣志例間爲立傳

松江府續志卷後皆有補遺考證一以補舊志之闕略一以正舊志之疏舛本志循用此例惟續府志分隸子

目之後本志略爲變通

舊志紀事詳於畧而略於團蓋當時團區地徧而事寡也今則斥鹵漸爲膏腴生齒日繁人文蔚起故本志記載亦較昔加詳而於河渠道路尤致意焉

本志采掇訪稿佐以官廳之案牘參以私家之著述其無可依據者皆從簡略拾遺補闕俟明哲

東坡先生集卷之六

續修南匯縣志題名

本志官長題名依據十七年七月本局議決案祇載
籌備時之縣知事成書時之縣長職員題名邑人不
書里居已見選舉志者不書字

嚴偉 字覺之 儀徵人 縣知事

劉芷芬 字 廣東梅縣人 縣長

秦錫田 字硯畦 上海人 全書總纂員 藝文志纂修員 水利志纂修員

物志統傳分纂修員 人物志游寓纂修員 風俗志風俗纂修員 采訪員

黃協塤 字夢曉 上海人 人物志統傳纂修員 采訪員

黃炳奎 籌備修志處主任員

顧忠宣 籌備修志處主任員 選舉志纂修員 采訪員 官司志纂修員

黃報廷 修志局主任員 祠祀志纂修員 官司志補遺考證纂修員 名蹟

續修南匯縣志

志纂修員 方外志纂修員 雜誌纂修員 采訪員

徐守清 字耐冰 騏 修志局主任員 學校志纂修員 采訪員

葉壽祺 字貞柏 風俗志物產纂修員 采訪員

朱貽翼 字芭孫 疆域志協纂員 采訪員

馬文堯 字荻生 疆域志纂修員 采訪員

顧雲章 字鐵生 建置志纂修員 采訪員

胡祥清 字滌仙 兵防志纂修員 采訪員

盛鴻澤 字希伯 田賦志纂修員 戶口志纂修員 采訪員

王化南 字季昆 人物志列女纂修員 采訪員

葉時茂 字秀峰 水利志橋梁協纂員 采訪員 文牘

顧遂川 字珠浦 收掌兼校錄員 采訪員 專員